



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

VI. Officium S. Paulæ sub ritu 2. Classis pro Monachis S. Hieronymi.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Confirmatio relati Decreti.

Clausula.

facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus Nomine Nobis super hoc humiliter porrectis inclinati, Decretum præinsertum, auctoritate Apostolica, tenore præsentium confirmamus, & approbamus, illique inviolabilis Apostolicæ firmitatis robur adjicimus, salva tamen semper in præmissis auctoritate præfatæ Congregationis Cardinalium.

§. 2. Decernentes easdem præsentem Literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

§. 4. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis eadem prorsus fides tam in Judicio, quam extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris die XXIX. Januarii MDCCL. Pontificatus Nostri Anno Primo.

VI.

Confirmatur Decretum Congregat. Rituum de Officio S. Paulæ sub Ritu secundæ Classis pro toto Ord. Monachorum S. Hieronymi.

*A Sixto V. primo concessum fuit hoc officium sub ritu duplici Congregationi Hispaniæ. Et ab Innoc. XIII. Const. ed. 1723., Oñ. 13. P. 3. concessa fuit Indulg. in festo d. Sanctæ.*

Dat. 1. Febr. 1701. An. 1.

CLEMENS PAPA XI.

*Ad futuram rei memoriam.*

Decretum præd.

Manavit nuper a Congregatione Venerabilium fratrum nostrorum S. R. E. Cardinalium Sacris Ritibus præpositorum ad favorem dilectorum filiorum Monachorum, seu Fratrum Ordinis S. Hieronymi Decretum tenoris, qui sequitur, videlicet - Ordinis Sancti Hieronymi. Ad pias preces SSmo Domino Nostro Innocentio PP. XII. nomine Regiæ Catholicæ majestatis porrectas, a Sanctitate Sua ad Sac. Rituum Congregationem remissas, & ab Esmo, & Rmo Domino Cardinali S. Clementis relatas: Sacra eadem Rituum Congregatio Officium Sanctæ Paulæ, alias a fe. rec. Sixto Papa V. Religiosis Ordinibus S. Hieronymi in Hispania sub ritu duplici concessum, in posterum a tota Religione Ordinis S. Hieronymi prædicti, sub ritu duplici secundæ Classis posse recitari benigne indulgit, atque concessit die 31. Julii 1700. - G. Card. Carpineus. - Loco + Sigilli. - B. Inghiramus Sac. Rit. Congr. Secretarius.

Preces Monachorum.

§. 1. Cum autem, sicut eorumdem Monachorum, seu Fratrum nomine nobis subinde expositum fuit, ipse Decretum hujusmodi quo

firmius subsistat, Apostolicæ confirmationis nostre patrocinio communiri plurimum desiderent: Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine nobis super hoc humiliter porrectis inclinati, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate præfatæ Congr. Cardinalium.

§. 2. Decernentes ipsas præsentem Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & ordinationibus Apostolicis, cæterisque contrariis quibuscumque.

§. 4. Volumus autem, ut præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Petrum sub Annulo Piscatoris die I. Febr. MDCCL. Pontificatus nostri anno Primo.

Conceditur Generali Ord. Prædicatorum facultas retinendi quoscumque libros vetitos in Romana Bibliotheca Casanatensi.

VII.

*Ab Inn. XII. Donata fuit eodem privilegio Bibliotheca Archigymnasii Sapientie de Urbe Constii. ed. 1683. Apr. 21. P. 7.*

CLEMENS PAPA XI.

*Ad futuram rei memoriam.*

Dat. 12. Febr. 1701. An. 1.

CUM sicut dilectus filius Antoninus Cloche Magister Generalis Ordinis Fratrum Prædicatorum Nobis nuper exponi fecit, alias bohem. Hieronymus, dum vixit S. R. E. Cardinalis Casanate nuncupatus celebrem Bibliothecam suam Conventui B. M. super Minervam de Urbe dicti Ordinis donaverit, ac unum, seu plura Capitalia annuorum reddituum pro Bibliothecariorum, ac Professorum Textus Sancti Thomæ, & sex Theologorum stipendiis, seu manutentione, ac libris qui Congregationum pro tempore existentium S. R. E. prædictæ Cardinalium, vel adversus hæreticam pravitatem generalium Inquisitorum, vel Indici prohibitorum, & expurgandorum præpositorum censuræ, & judicio subijci deberent, quotannis emendis assignaverit; in ipsa verò Bibliotheca multi reperiantur libri, quorum retentio, ac lectio per Sacros Canones, & Constitutiones

Refertur institutio d. Bibliothecæ.

Aposto-